

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava „Tekući transferi i drugi tekući rashodi – Subvencije javnim preduzećima-zauvezivanje radnog staža“ za 2020. godinu, („Službene novine Federacije BiH”, broj 50/20), Federalno ministarstvo energije, rudarstva i industrije o b j a v l j u j e

**JAVNI POZIV
ZA KANDIDOVANJE PROGRAMA UTROŠKA SREDSTAVA „TEKUĆI
TRANSFERI I DRUGI TEKUĆI RASHODI – SUBVENCije JAVNIM
PREDUZEĆIMA “ ZA 2020. GODINU**

I. PREDMET JAVNOG POZIVA

Predmet poziva je prikupljanje zahtjeva za odabir korisnika sredstava, u skladu sa Odlukom o usvajanju Programa utroška sredstava „Tekući transferi i drugi tekući rashodi – Subvencije javnim preduzećima-za uvezivanje radnog staža“ za 2020. godinu (u daljem tekstu: Program), („Službene novine Federacije BiH”, broj 50/20).

II. PRAVO UČEŠĆA

Pravo učešća po Javnom pozivu imaju javna preduzeća, odnosno privredna društva u kojima Federacija Bosne i Hercegovine ili kantoni imaju udio u vlasništvu najmanje 50% plus jedna dionica (uključujući preduzeća u stečaju), a čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Industrija građevinskog materijala,
- Drvna, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija,
- Prehrambena industrija,

te da zapošljavaju najmanje 5 zaposlenika, osim za preduzeća koja su u stečaju.

III. SVRHA DODJELE SREDSTAVA

Dodjela sredstava odnosi se na finansiranje neizmirenih obaveza preduzeća samo po osnovu doprinosa za PIO/MIO, zaposlenicima koji ostvaruju uslove za penzionisanje do dana podnošenja zahtjeva Federalnom ministarstvu energije, rudarstva i industrije (u daljem tekstu: Ministarstvo) po Programu i Javnom pozivu.

Odobrena sredstva su grant sredstva. Sredstva se dodjeljuju u cilju rješavanja socijalnog statusa zaposlenika, kroz penzionisanje.

IV. KRITERIJI ZA IZBOR KORISNIKA

Pravo na učešće po ovom Javnom pozivu i dodjelu sredstava imaju preduzeća koja ispunjavaju slijedeće osnovne kriterije:

- 1) da su sa sjedištem u Federaciji Bosne i Hercegovine;
- 2) da se bave djelatnostima definisanim u tački 2. Javnog poziva;

- 3) da su u većinskom državnom vlasništvu (u vlasništvu Federacije Bosne i Hercegovine ili kantona najmanje 50% plus jedna dionica);
- 4) da zapošljavaju najmanje 5 zaposlenika (osim za preduzeća koja su u stečaju).

Napomena: Pravo učešća po ovom Javnom pozivu imaju i preduzeća u stečaju, ali ne i preduzeća koja su likvidirana.

Formalno ispravni zahtjevi se ocjenjuju po slijedećim kriterijima:

KRITERIJI	Mogući broj bodova	Ostvareni broj bodova
Broj zaposlenih u preduzeću		
Broj zaposlenih u preduzeću od 5 do 40	2	
Broj zaposlenih u preduzeću od 41 do 80	4	
Broj zaposlenih u preduzeću od 81 do 100	8	
Broj zaposlenih u preduzeću > 100	10	
Status preduzeća		
Preduzeće u stečaju	6	
Preduzeće nije u stečaju	2	
Broj radnika koji će se penzionisati		
Broj penzionisanih <10	5	
Broj penzionisanih od 10 do 15	7	
Broj penzionisanih od 16 do 30	9	
Broj penzionisanih od 31 do 50	12	
Broj penzionisanih od 51 do 100	15	
Broj penzionisanih > 100	20	
UKUPNO OSTVARENO BODOVA		

Napomena:

- prilikom formiranja liste sa imenima zaposlenika iz istog preduzeća, a koji ostvaruju pravo po ovom Javnom pozivu, prednost će imati zaposlenik sa ranijim datumom sticanja prava na penziju.

Maksimalan iznos sredstava koji se može odobriti za jedno preduzeće je 250.000,00 KM.

Javna preduzeća po ovome Javnom pozivu mogu ostvariti pravo na dodjelu sredstava samo po jednom podnesenom zahtjevu.

Po ovom Javnom pozivu ne mogu aplicirati preduzeća koja su bila korisnici grant sredstava dodijeljenih od strane Ministarstva a od kojih je zatražen povrat istih.

V. SREDSTVA PREDVIĐENA ZA DODJELU

Sredstva za provođenje ovog Javnog poziva utvrđena su u razdjelu 17., ekonomski kod 614 Budžeta Federacije Bosne i Hercegovine za 2020. godinu u iznosu od 1.000.000,00 KM („Službene novine Federacije BiH“, br. 99/19 i 28/20).

Navedena sredstva su grant sredstva Ministarstva i dodjeljuju se po ovom Javnom pozivu.

VI. TRAJANJE PROGRAMA I JAVNOG POZIVA

Program traje do utroška sredstava, a najkasnije do kraja fiskalne godine. Javni poziv će biti otvoren 30 dana od dana zadnje objave.

VII. PROVOĐENJE JAVNOG POZIVA

Od potencijalnih korisnika grant sredstava se traži slijedeća dokumentacija:

1. Zahtjev za dodjelu grant sredstava (na web stranici Ministarstva www.fmeri.gov.ba),
2. Spisak zaposlenika koji sadrži i lični i matični broj osiguranika koji su ostvarili uslove za odlazak u penziju do dana podnošenja zahtjeva za dodjelu sredstava. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja tog prava i iznosom duga samo na osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,
3. Aktuelni izvod iz u sudskog registra (ne stariji od 30 dana),
4. Statut ili odluka/akt o osnivanju (ne mora biti ovjereno),
5. Uvjerenje o poreznoj registraciji kod Porezne uprave – ID broj,
6. Uvjerenje o registraciji obveznika poreza na dodanu vrijednost – PDV broj,
7. Obavijest nadležnog zavoda za statistiku o razvrstavanju prema djelatnosti,
8. Lična karta i CIPS potvrda o prebivalištu lica ovlaštenog za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva (www.fmeri.gov.ba) i kojom se odgovorno lice/preduzeće obavezuje da će po odobrenju grant sredstava, a najkasnije u roku od 6 (šest) mjeseci od dana uplate odobrenih sredstava, izvršiti uplatu sredstava po osnovu duga za ostale doprinose i to za zaposlenike za koje se traže grant sredstva,
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika),osim za preduzeća u stečaju.

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava osim dokumenata za koje je izričito navedeno u kojoj formi se dostavljaju.

VIII. PRIPREMA

Zahtjev za dodjelu grant sredstava, koji se može preuzeti sa web stranice Ministarstva, www.fmeri.gov.ba, sa potrebnom dokumentacijom po Javnom pozivu, uvezan i poredan po tačkama Javnog poziva, dostavlja se Ministarstvu, preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje Programa utroška sredstava „Tekući transferi i drugi tekući rashodi – Subvencije javnim preduzećima-za uvezivanje radnog staža“ za 2020. godinu.

Na poledini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Ministarstvo mora o tome biti obaviješteno u pisanoj formi. Izmjena ili povlačenje zahtjeva mora biti izvršeno u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke o izboru korisnika grant sredstava se objavljuju u „Službenim novinama Federacije BiH“ i na službenoj web stranici Ministarstva.

Ovaj poziv ostaje otvoren trideset (30) dana od dana posljednjeg javnog objavljivanja, a objaviti će se u “Službenim novinama Federacije BiH” i dnevnim novinama “Dnevni avaz” i “Večernji list”.

Neblagovremene prijave neće biti uzete u razmatranje i proglašiće se formalno neispravnim prijavama.

Detalji vezani za podnošenje zahtjeva, osim u Javnom pozivu, mogu se vidjeti i u Programu, objavljenom u „Službenim novinama Federacije BiH“, broj 50/20, kao i na službenoj internet stranici Federalnog ministarstva energije, rudarstva i industrije: www.fmeri.gov.ba